

INUIT ATAQATIGIIT

INATSISARTUNI



Nuuk, 19. marts 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.
(Inatsisartunut ilaasortaq Naaja H. Nathanielsen, Inuit Ataqatigiit)

Apeqqutit:

- 1. Naalakkersuisut siulittaasuat isumaqataava sammisat pingaarutillit pillugit politikikkut patajaassusermik pilersitsisunik amerlasuut peqataatillugit isumaqatigiissusiortoqartarnissaa Naalakkersuisut naggaterpiaatigut akissusaaffigimmassuk?**
- 2. Naalakkersuisut isumaqataappat illuatungiliuttut Naalakkersuisunik ataatsimeeqatiserinninnissamik piumasaqarsinnaatitaanatillu isumaqatigiissusiortoqartarnissaa piumasarisinnaaneq ajormassuk?**
- 3. Naalakkersuisut isumaqataappat immikkoortut ataasiakkaat pillugit politikikkut isumaqatigiinnginneq ima isumaqartariaqanngimmat immikkoortut sinneri tamaasa isumaqatigiinngissutinngitsoorsinnaassanagit? Angerlugu akissuteqartoqassappat: illuatungiliuttunik suleqateqarnerunisamat isumaannillu naalaarnerunissamat Naalakkersuisut piareersimappat?**

Tunngavilersuut:

Ullumi akunnermi apeqquteqarfissami suleqateqarusussuseqanngissutsi Aleqa Hammondip aammaarluni takutippaa. Qineqqusaarneq qangali qaangiutereerlunilu ulluinnaat atuutitilernikuupput. Akeqqatut isigisassarsiornissaq piffiunngilaq, suleqatissarsiornissarli. Uggornarluinnaqqissaarpoq nunamut tamarmut Siulittaasuusooq suleqatigiinnissamat katerifiusinnaananilu qammaaneq sapermat.

Aleqa Hammondip illuatungiliuttut iluarsissutissanik ujartuisuunnginnerarlugit isornartorsiuniaannarnerarlugillu saassuppai. Taamatut oqarnek tupinnanngitsunik isumaqatiginagulu isumaqarpunga Naalakkersuisut Siulittaasuuttut akissusaassutsi qimarratigigaa. Tiker-suussineq atornagu nuna naligiinnginneruleriartorfiusooq, suliffissaaleqiffiunerujartortoq politikikkullu suliniutissanik amikkisaartinneqartoq ataatsimut katersorniarnerusariaqaralarpaa.

Aleqa Hammondip isumaa malillugu aningaasarsiornikkut unammillernartut pillugit illuatungiliuttut iluarsissutissanik ujartuinngillat. Aleqa Hammond eqqaasilaarlara aningaa-sanut inatsit pillugu isumaqatigininniartoqarmat IA iluarsissutissanik ikinngitsunik qaqitaqarlutalu isumaqatigininniarnissamat ajunngisaarsimagalaratta. Kisiannili tassa Naalakkersuisut namminneerlutik isumaqatigininniarnarit kipitinnikuuat. Vittus Qujaukitsoq neriorsuisimagalarpoq isumaqatigininniarnernut aggersaaqqinniarluni, tamannali eqqortinngilaa. Ataatsimiigiaqquseqqullugu saaffiginnissuterput aamma iluaqutaasimanngilaq.

Aleqa Hammond oqarpoq misileraalluni aalisarneq siumut aallariartissimallugu. Tassunga atatillugu Aleqa Hammond eqqaasissavarput avaleraasartuunik aalisarneq Naalakkersuisut siuliisa aallartitarimmassuk. Inuit allat naammassillugu suliaannik nersuerpalaarneq inuttut ajornerulissutaanngisaannaralarpoq.

Aleqa Hammond oqarpoq Naalakkersuisut siulii London Miningip pilersaarutaanut royaltyinullu akerliusimasut. Aleqa Hammond eqqaasillarput IA-p tungaanit ataasiarata oqartarsimagatta royalties akerlerinngikkigut, kisiannili inuiaqatigiit pissarsiassa at annerpaaq angujumallugu allatut akileraaruseerusuttugut. Oqarnikuuvugut akileraarutit akit-suutillu ajunngilaq qanoq taaneqartaqilik, pingaerneruvoq inuiaqatigiinnut iluaqutis-siinissaat. Aamma Aleqa Hammond eqqaasillarput London Miningip pilersaarutaa Naalakkersuisut siuliisa nalaanni aatsaat iluamik nukinngutigineqalermat.

Aningaasanut inatsit allannguutitalik ulloq periarfissaq kingullerpaarpaaq atorlugu akuerine-qartoq Naalakkersuisut maannamut naammassinikuuat. Tapersersuisussaatsineq, inatsisinik tuaviupiluussinerit imaluunniit killiliussanut inortuinerit pissutaallutik inat-sisissatut siunnersuutit tupinnaannartumik amerlasuut Naalakkersuisut aamma uter-tittarsimavaat. Inatsisissatut siunnersuutit arlalissuit ataatsimiinnermi matumani oqaluuserineqartussatut neriorsuutigineqarsimagaluartut oqaluuserisassaniilli maanna peer-neqarsimasut. Tamakkaa puigorsimasutut ippaat. Assersuutitut taaneqarsinnaapput inatsisissatut siunnersuutit marluk umiarsualiveqarnermut tunngasut UPA14-imi oqalu-serineqartussatut neriorsuutigineqarsimagaluartut.